

«La GiuRu duei vegnir pli inclusiva e diversa»

(fmr/sr) L'entschatta fevrer ha la Giuventetgna Rumantscha (GiuRu) teniu sia radunonza generala via Zoom. El rom da quella ei *Uolf Candrian* da Sagogn seretratgs sco president e *Naomi Arpagaus* da Laax ha surpriu igl uffeci. La FMR ha discurriu cun omisus per far ina retrospectiva e dar in sguard egl avegnir dall'uniun tetgala dalla giuventetgna romontscha. Sco la nova presidenta declara, duei la GiuRu vegnir pli inclusiva e diversa. Aschia aspireschi la GiuRu per exempel era in equiliber denter scolar(a)s, emprendist(a)s e student(a)s.

Gruppas creativas duein dar (aunc) dapli slontsch

Naomi Arpagaus surpren cun plascher il presidi dalla Giuventetgna Rumantscha

SUSI ROTHMUND/FMR

■ **Dacuort ha la Giuventetgna Rumantscha (GiuRu) teniu sia radunonza generala via Zoom. El rom da quella ei la nova presidenta Naomi Arpagaus da Laax vegnida elegida. Ella remplazza Uolf Candrian da Sagogn.** «Per mei ei quei stau ina sorpresa. Jeu hai plascher dall'elecziun e selegel da presidiar la GiuRu», di *Naomi Arpagaus* ch'ei dapi treis onns en suprastanza dalla GiuRu. La giuvna da 20 onns ei carschida si a Laax e studegia actualmei a Berna intermediaziun d'art e design.

Tgei ha motivau Vos da surprender il presidi dalla GiuRu?

Naomi Arpagaus: Jeu quintavel buca da surprender quei uffeci, igl ei stau ina sorpresa. Duront la radunonza via Zoom havein nus tractau las abdicaziuns e giu endamen tgi che pudes suandar. Jeu sun lu vegnida proponida ed elegida e hai grond plascher dalla nova sfida. Duront ils davos treis onns ch'ieu sun stada ella suprastanza dalla GiuRu hai jeu survegniu investa da quei che cuora e passa ed igl ei bi da surprender aunc dapli responsablad. Sco presidenta haiel empau dapli libertad. Secapescha essan nus dalla suprastanza in team che pren

decisiuns comunablamain.

La GiuRu – ch'ei l'uniun tetgala dalla giuventetgna romontscha – dumbrava ro-dund 300 commembras e commembras. Quei para dabiar(a)s mo seb'ins mira conta giuventetgna ch'ei dat en Romontschia ed ella diaspora savess ei esser dapli(a)s?

Promover ils contacts interculturalis ei era el futur ina da nossas finamiras las pli impurtontas. La giuventetgna vegn ensemen a caschun da differentas occurrenzas e stat da cumpignia. Aschia hai jeu gia saviu empustir massa contacts ed amiezias ein naschidas. Per far pli enconuscenta la GiuRu visitein nus per exempel scolas e nus promovin il contact tier uniuns da giuventetgna localas. Per intensivar tut quei ha la GiuRu scaffiu «gruppas creativas» tier differentas tematicas sco giugs, brat intercultural ni contact tier autras uniuns. Aschia ha mintga



Naomi Arpagaus da Laax ei vegnida elegida al tgamun dalla GiuRu.

gruppa claras finamiras. Quella che s'occupa dils contacts tier autras uniuns ha per exempel tarmess in questiunari allas uniuns localas per evaluar il status quo –

uniuns localas per evaluar il status quo – tgei ei ella GiuRu, tgi buca, daco buc...

«Massa contacts ed amiezias ein naschidas»

ed aschia vinavon. In'otra gruppa organisescha seras ni dis da giugs ed in'ulteriura s'engascha per la promozion da scriver romontsch. Dapi in onn succeda quei denter auter culla rubrica «Ils Zulprins» che cumpara en La Quotidiana.

La GiuRu porscha a giuvnas romontschas e giuvens romontschs sustegn

per la realisaziun d'in project cultural romontsch. Quei sa esser cun daners, sustegn da comunicaziun ed auter. Vos studegeis intermediaziun

auter. Vos studegeis intermediaziun d'art e design – san artist(a)s e designer(a)s ussa selegrar specialmei?

Duront miu studi fetschel jeu era mezza art e seconcentreschel oravontut sin desegn, fotografar e performance. Ina gronda part dil studi ei denton buca far sez art mobein l'intermediaziun d'art. Quei vul dir dar vinavon certas caussas, per exempel era porscher in access agl art e svegliar il plascher da crear enzatgei. Igl ei impurtont d'arver il horizonz in tuttas direzioni ed esser aviarts per quei che vegn. Mias habilidades sco intermedia-tura sai jeu duvrar fetg bein sco presidenta dalla GiuRu. Nus vegnin denton era egl avegnir a promover different projects culturals romontschs e buca sulet art ni design.

Tgei ha la GiuRu forsa munchentau empau ils davos onns che Vos vulessas prender suenter?

La GiuRu

La GiuRu (Giuventetgna Rumantscha) emprova da promover contacts denter la giuventetgna dallas tschun differentas regiuns romontschas e dalla Bassa. Ella ei affiliada alla Lia Rumantscha e survegn da quella ina contribuziun annuala al budget da 20 000 francs. La GiuRu porscha a giuvnas romontschas e giuvens romontsch raps, comunicaziun ed agid per la realisaziun d'in project cultural romontsch. La GiuRu sco in'uniun affiliada alla Lia Rumantscha po tarmenter quater delegad(a)s allas radunonzas generalas. Fertion che la GiuRu figurescha sco uniun tetgala per las uniuns da giuventetgna localas, ei la YEN l'uniun tetgala dallas minoritads linguisticas dall'Europa. Tgi che vul daverntar commember ni commembra dalla GiuRu e forsa schizun separticipar ad ina dallas gruppas creativas ni vul realisar in agen project, sa s'anunziar per mail tier giuru@giuru.ch.

La GiuRu duei vegnir pli inclusiva e diversa. Buca che quei fuss entochen uss buca stau il cass, mo jeu sun dil meini, ch'ins sa arisguard quei adina

meini, ch'ins sa arisguard quei adina aunc far in pass anavon!

Per exempel sch'ei va per mischedar dapli ils giuvenils dallas differentas regiuns idiomáticas, denton era quei che pertucca autras minoritads linguisticas. Aschia aspireschi nus era in equiliber denter scolar(a)s, emprendist(a)s e student(a)s.

Il 2021 ei in onn giubilar per la GiuRu ch'ei vegnida fundada a Laax il 1991. Dat ei accziuns ni festivitats specialas a caschun dil 30avel giubileum?

Per festivar il giubileum da 30 onns Giuventetgna Rumantscha igl atun, havein nus provisoricamein planisau ina grillada. Nua che quella vegn ad haver liug ed en tgei rama, sco era il program detagliau lein nus definir da fertontier. Era in'acziun ni l'otra vegn ei a dar, mo memia bia vi jeu aunc buca tradir.

Il president partent

Il 2015 ei *Uolf Candrian* da Sagogn vegnius elegius president dalla GiuRu. Cun plascher e slontsch ha el presidiu sis onns l'uniun tetgala dalla giuventetgna romontscha. «Igl ei ina lavur voluntaria che drova bia temps», declara *Uolf Candrian*. El ha demissionau suenter haver presidiu la GiuRu duront treis periodas d'uffeci. Igl um da 28 onns ha studegiu culturals popularas all'universitad da Turitg e seconcentrescha ussa sin sia lavur da doctorat all'universitad da Basilea. In'otra finamira ei da s'engaschar politicamein. Aschia ha el tradiu alla FMR d'haver ambiziuns politicas.

Entschiet cul giubileum

Siu presidi tier la GiuRu ha entschiet cun in highlight, numnadamein cul giubileum da 25 onns. Quel ha la GiuRu festiva el tren duront in via-di da Mustér entochen Chapella. «Aschia havein nus colligiav e contonschiu tuttas regiuns e quei ei era il credo dall'uniun.» Plinavon ha *Uolf Candrian* reveidiu las statutas ensemen cun ses consuprastons. Quei seigi stau ina lavur plitost lungurusa mo necessaria suenter 25 onns. Aschia

hagien ei per exempel limitau da niev la vegliadergna dils commembers sin 16-30 onns. Avon eri ei pusseivel dad esser ella GiuRu entochen 35 onns. Sco ulterior punct culminont duront siu temps da presidi numna *Uolf Candrian* la jamna da project ch'ei han organisau il 2018 a Trin. Leu ein commembers dalla YEN s'inscuntrai per in brat cultural. Plinavon eis el s'engaschaus per che la GiuRu vegni recepida pli fetg sco uniun tetgala dalla giuventetgna romontscha. Puntuau ha el era l'impurtonza dalla GiuRu sco promotura dall'identitad romontscha e sco motivatura da scriver romontsch. A sia successura *Naomi Arpagaus* giviascha *Uolf Candrian* ch'ei reusseschi ad ella da realisar tut ils projects ch'ella giviascha. Oravontut denton era ch'ella piardi buc la motivaziun, duessi ella buc immediat veser in effect.